


შპს "მაგთიკომი"

№ ED-21/06/07-008

07-06-2021 წ.



მაგთიკომი
MAGTICOM

საქართველოს კომუნიკაციების ეროვნული კომისიის თავმჯდომარეს
ბატონ ვახი ბეჟაურს

წევრებს: ბატონ ვახტანგ აბაშიძეს,
ქალბატონ ნათია კუკულაძეს,
ქალბატონ ეკატერინე იმედაძეს

ბატონო ვახი, ბატონო ვახტანგ, ქალბატონო ნათია, ქალბატონო ეკატერინე,

წარმოგიდგინებ შპს „მაგთიკომის“ შენიშვნებს „სააბონენტო ნომრების პორტაბელურობის დებულების დამტკიცების შესახებ“ კომისიის 2010 წლის 6 ივლისის N3 დადგენილებაში ცვლილებების პროექტთან დაკავშირებით.

პროექტის დეტალურად გაცნობის და გაანალიზების შემდგომ შეგვიძლია დავასკვნათ, რომ პროექტით შემოთავაზებული მოდელის არსებითი სიახლე არის - ნომრის პორტირების დისტანციურად განხორციელების შესაძლებლობა.

შეგახსენებთ, რომ „ელექტრონული კომუნიკაციების სფეროში მომსახურების მიწოდებისა და მომხმარებელთა უფლებების დაცვის შესახებ რეგლამენტში“ განხორციელებული (რომელიც ძალაში შედის 2022 წლის 1 იანვრიდან) ცვლილების შედეგად, არსებობს ხელშეკრულების დისტანციურად გაფორმების შესაძლებლობა. ამდენად, ზემოაღნიშნული მიზნის მიღწევა (პორტირების განხორციელება ოფისში მისვლის გარეშე) შესაძლებელია რეგლამენტში განხორციელებული ცვლილების საფუძველზე, „სააბონენტო ნომრების პორტაბელურობის დებულებაში“ ცვლილების შეტანის გარეშე.

იმ გარემოებების გათვალისწინებით, რომ:

ა) არ არსებობს რაიმე სახის ხარვეზი ან შეფხეხვა ნომრის პორტირების მოქმედ მოდელში; ბ) არსებობს პორტირების დისტანციურად განხორციელების შესაძლებლობა, მოქმედი მოდელის გაუქმების გარეშე; გ) ახალი მოდელი დანერგვისას ოპერატორებს მოუწევთ ფინანსების და ტექნიკური/ადამიანური რესურსის დახარჯვა, მიგვაჩნია, რომ „სააბონენტო ნომრების პორტაბელურობის დებულებაში“ ცვლილების შეტანის საფუძველი არ არის სათანადოდ დასაბუთებული და არგუმენტირებული კომისიის მხრიდან. გარდა ამისა, არ არის წარმოდგენილი კონკრეტული შეფასება/ანალიზი რა დადებითი/ურყოფითი შედეგები შეიძლება მოიტანოს ცვლილების განხორციელებამ ან რამდენად ადეკვატურია კონკრეტული მიზნის მიღწევის ეს საშუალება იმ ფინანსურ, ტექნიკურ და ადამიანური რესურსების ხარჯვასთან, რისი განხორციელებაც მოუწევთ ოპერატორებს.

შესაბამისად, მიგვაჩნია, რომ ზემოაღნიშნულ საკითხებზე სიღრმისეული ანალიზის გარეშე, არ არის მიზანშეწონილი კომისიამ წარმოდგენილი ფორმით განახორციელოს ცვლილება „სააბონენტო ნომრების პორტაბელების დებულებაში“.

პატივისცემით,

ანდრია ზოდელავა
გენერალური დირექტორის მოადგილე